

Թ .

Եղբայր սիրելի որդի, որ ի յայս հողըս կու կենաս,
Յաշխարհս ես ի բան եկել, զաչքըդ բա՛ց թե յո՛ւր կու գընաս.
Խըրատ մի քեզ տայ կամիմ, զուգեմ օղ քան զոսկի խալաս.
Սիրես 'լ ի յականջդ ածես՝ եթե դու զկեանքըդ կամենաս:

Ժ .

Դաւիթ արքայի որդին Սողոմոն զայս մեզ կու ասէ.
Ըզխրատն իմաստնոյն դու տո՛ւր, առաւել նա ըզքեզ սիրէ:
Թէ անգետ 'լ անմիտ մարդոյն խըրատ տաս նա ըզքեզ ատէ,
Ու թուր ու դանակ առնու, թէ կարէ նայ զքեզ սպանանէ:

Ժ Ա .

Գանգատ եմ ու խոց, եղբա՛րք, սիրտս ի վեր արիւն կու բերէ.
Ի մանկութենէ ի վեր զիս ուսման հոգսըն կու մաշէ.
Եկեր եմ գերի անկել, ճար չըկայ որ մէկ մի գընէ.
Դատիմ քան զամեն մըշակ, նայ մարդ կայ որ դեռ կու խոցէ:

Ժ Բ .

Չորս բան ա՛ռ խըրատ յինէն, որ զամեն աշխարհս քեզ արժէ.
Չայլոց մեղք դու մի՛ քըններ, գբոյդ յերակ մըտօքդ անդիճէ՛:
ՉԱստուած մօտ ի քեզ դու տես ու զմահու օրըն դու յիշէ՛.
Ըզխրատս ի սըրտիդ տընկէ՛, զքեզ յամեն չարէ սա պահէ:

Ժ Գ .

Չքո մեղքն իսկի մի՛ մոռանր, որ խոնարի զանձնըդ կու պահէ.
Չայլոց մեղք դու մի՛ քըններ, որ Աստուած ըզքեզ չըդատէ.
ՉԱստուած թէ ի մօտ հայիս, մեղքն իսկի ըզքեզ չըխաբէ.
Ով որ զօր մահուն յիշէ, զայս աշխարհս բընաւ չըսիրէ:

Ժ Դ .

Դաւիթ մարգարէն 'լ արքայն սիրելեացն ըզսերն է գովել,
Ընցգուն վայելուչ 'լ աղւոր են եղբարքս ի մէկտեղ եկել,
Քան զԱհարոնի գըլուխն որ ծաղկանց իւղովն էր օծել,
Կամ ցօղն Ահերմոն լերին 'լ Թաբօր քաղցրիկ նա ցօղել:

Ժ Ե .

Ձեր գալդ է բարի, եղբա՛րք, որ ի յայս տեղիքս էք եկել,